



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

**Broj: T09 0 KTPO 0192565 24**  
**Sarajevo, 12.9.2024. godine**

**OPĆINSKI SUD U SARAJEVU**  
**SARAJEVO**  
**Sudiji za prethodno saslušanje**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), **p o d i ž e m**

## **O P T U Ź N I C U**

### **Protiv:**

**Bakir Hadžić**, rođen 1958. godine, nastanjen u ulici ....., sa završenom SSS, po zanimanju trgovac, penzioner, oženjen, otac troje djece, po nacionalnosti Bošnjak, državljanin Bosne i Hercegovine i Republike Hrvatske, srednjeg imovnog stanja, nije služio vojni rok, nije odlikovan, nema čin rezervnog vojnog starješine, ne vodi se u vojnoj evidenciji, JMBG ....., **ranije nije osuđivan i ne vodi se dugi postupak,**

### **Što je :**

U periodu 1.1.2018. godine do 31.12.2018. godine u Sarajevu, kao odgovorno lice, u svojstvu direktora privrednog društva „GRAPHIC-CAR” d.o.o. Sarajevo sa sjedištem na adresi ulica Grbavička broj 14 C, koje društvo je registrovanu ugostiteljsku djelatnost obavljalo putem poslovne jedinice Univerzitetski sportski centar – Restoran bar „UNA” Sarajevo, svjestan da je kao direktor društva bio dužan dati zahtijevane podatke o svojim stečenim oporezivim prihodima koji su od uticaja na utvrđivanje takvih obaveza, s ciljem izbjegavanja plaćanja davanja propisanih poreznim zakonodavstvom u Federaciji BiH i doprinosa socijalnog osiguranja propisanih u Federaciji, te prikriivanja stvarnih prihoda privrednog društva „GRAPHIC-CAR” d.o.o. Sarajevo, s ciljem umanjavanja plaćanja davanja propisanih poreznih obaveza i doprinosa socijalnog osiguranja propisanih u F BiH od strane navedenog privrednog društva, a radi ostvarivanja imovinske koristi za sebe i to pravno lice, davao lažne podatke o stečenom oporezivom prihodu, koji su od uticaja na utvrđivanje takvih obaveza u privrednom društvu „GRAPHIC-CAR” d.o.o. Sarajevo, postupajući protivno **članu 9. Zakona o porezu na dohodak F BiH** („Službene novine Federacije BiH“, broj: 10/08, 9/10, 44/11, 7/13 i 65/13) kojim je propisano da se porez na dohodak plaća se po stopi od 10%, **članu 10. stav 2. tačka 4) Zakona o porezu na dohodak F BiH** gdje je propisano da se oporezivim prihodima od nesamostalne djelatnosti smatraju svi drugi prihodi na osnovu i u vezi sa nesamostalnom djelatnošću, **članu 11. stav 1. Pravilnika o primjeni zakona o porezu na dohodak** („Službene novine Federacije BiH“, broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 3/18 i 30/18) gdje je određeno da se prihodima od nesamostalne djelatnosti smatraju sva primanja zaposlenika koja on ostvari po osnovu rada, bez obzira pod kojim nazivom ili u kojem obliku su isplaćena, **članu 4. stav 2. tačka 1. Zakona o doprinosima F BiH** („Službene novine

Federacije BiH“, br. 35/1998, 54/2000, 16/2001, 37/2001, 48/2001 - dr. zakon, 1/2002, 17/2006, 14/2008, 91/2015, 104/2016, 34/2018, 99/2019, 4/2021 i 6/2023) gdje je propisano da se doprinosi se obračunavaju i plaćaju iz ličnih primanja i drugih prihoda osiguranika, **članu 5. stav 1. tačka 1) Zakona o doprinosima F BiH** koji propisuje da obveznik doprinosa iz člana 4. stav 2. tačka 1. ovog zakona je fizičko lice - rezident Federacije koje je na teritoriji Federacije u radnom odnosu kod pravnog ili fizičkog lica - rezidenta Federacije, **članu 6. stav 1. tačka 12) Zakona o doprinosima F BiH** gdje je određeno da osnovicu doprinosa iz člana 4. stav 2. tačka 1. ovog zakona čine ostala primanja i naknade fizičkih lica koja nisu obveznici doprinosa po drugom osnovu, u skladu sa propisima o penzijskom i invalidskom osiguranju, zdravstvenom osiguranju i osiguranju od nezaposlenosti, **članu 6a. stav 1. Zakona o doprinosima F BiH** koji propisuje da plaća iz člana 6., 7. i 8. ovog Zakona je novčano i svako drugo primanje, bez obzira na oblik isplate, oporeziv prema propisima o porezu na dohodak, koji je na osnovu radnog odnosa poslodavac isplatio ili je bio dužan isplatiti zaposleniku prema odredbama Zakona o radu, kolektivnom ugovoru i drugim propisima iz oblasti rada, a sastoji se od doprinosa iz osnovice, poreza na dohodak i iznosa koji se isplaćuje zaposleniku sa tog osnova, **članu 10. stav 1. tačke 1), 2) i 3) i stav 2. tačke 1), 2) i 3) Zakona o doprinosima F BiH** koji propisuje da su najviše stope doprinosa prema osnovici na teret obveznika doprinosa iz osnovice (član 6. tačka od 1. do 10., tačka 12. i član 7.), i to 17,00 % za penzijsko i invalidsko osiguranje, 12,50 % za osnovno zdravstveno osiguranje, 1,50 % za osiguranje od nezaposlenosti, te na teret poslodavca na osnovicu (član 6. tačka od 1. do 10., tačka 12. i član 8.), i to 6,00 % za penzijsko i invalidsko osiguranje, 4,00 % za osnovno zdravstveno osiguranje, 0,50 % za osiguranje od nezaposlenosti, **članu 11. stav 1. tačka a) Zakona o doprinosima F BiH** u kojem se navodi da se doprinosi obračunavaju pri obračunu plaće, te da uplatu doprinosa za obveznike doprinosa iz člana 4. stav 2. Zakona vrši isplatilac plaće i drugih ličnih primanja-rezident Federacije prilikom svake isplate, fizičko lice koje samostalno obavlja privrednu, profesionalnu ili drugu djelatnost kao osnovno zanimanje, nosilac zajedničke djelatnosti ukoliko više lica zajednički obavljaju samostalnu djelatnost, u skladu sa propisima o porezu na dohodak, isplatilac primanja iz osnova obavljanja drugih vrsta samostalne djelatnosti i povremenog nesamostalnog rada i ostali obveznici doprinosa i to na plaće, naknade plaća i druga lična primanja zaposlenika po osnovu redovnog rada i izvan redovnog rada, doprinosi se plaćaju pri isplati plaće i primanja, **članu 2. Pravilnika o načinu obračunavanja i uplate doprinosa** („Službene novine Federacije BiH“, broj 64/08, 81/08, 98/15, 6/17 i 38/17), kojim je određeno da mjesečnu osnovicu za zaposlenike na osnovu ugovora o radu, odnosno radnog odnosa prema članu 4. stav 2. tačka 1. Zakona o doprinosima F BiH, poslodavac utvrđuje istovremeno sa obračunom mjesečne plaće svakog zaposlenika, s tim da ta osnovica ne može biti niža od najniže plaće utvrđene u skladu s odredbama propisa o radu, dok u iznos osnovice ulaze sva primanja koje poslodavac u novcu ili naravi isplaćuje ili daje zaposleniku, odnosno koje mu je bio dužan isplatiti na osnovu ugovora o radu, odnosno radnog odnosa, a koji se smatraju primanjem od nesamostalnog rada (plaćom) prema članu 6a. stav 1. Zakona i članu 10. stav 1., 2. i 3. Zakona o porezu na dohodak, **članu 180. stav 1. i 2. Zakona o zaštiti i spašavanju ljudi i materijalnih dobara od prirodnih i drugih nesreća** („Službene novine Federacije BiH“, broj: 39/03) gdje je određeno da sva pravna lica i građani koji obavljaju samostalnu djelatnost i državni organi svih nivoa vlasti u Federaciji dužni su plaćati posebnu naknadu za zaštitu od prirodnih i drugih nesreća, u visini od 0,5 % od osnovice koju čine isplaćene neto plaće zaposlenika u radnom odnosu i svih lica angažovanih po ugovoru o vršenju privremenih i povremenih poslova i po ugovoru o djelu, te se posebna naknada, obračunava i uplaćuje istovremeno sa isplatom plaće, **tački 2) u vezi sa tačkom 1) Uputstva o načinu obračunavanja i uplati posebne naknade za zaštitu od prirodnih i drugih nesreća** („Službene novine Federacije BiH“, broj: 81/08) koja propisuje da posebna naknada za zaštitu od prirodnih i drugih nesreća se utvrđuje u visini 0,5% na zbirni iznos neto plaća svih zaposlenika, te naknadu obračunava i plaća poslodavac istovremeno sa isplatom neto plaća,

**članu 169. Zakona o vodama F BiH** („Službene novine Federacije BiH“, broj: 70/06) koji propisuje da su obveznici plaćanja opće vodne naknade fizička i pravna lica registrirana za obavljanje djelatnosti, te su dužni plaćati opću vodnu naknadu u visini od 0,5% od osnovice koju čini netoplaća zaposlenika u radnom odnosu na neodređeno i na određeno vrijeme i naknada isplaćena na osnovu ugovora o djelu, dok se naknada obračunava i uplaćuje istovremeno sa isplatom plaća, odnosno utvrđene naknade po ugovoru i **tački 2) i 3) Pravilnika načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada** („Službene novine Federacije BiH“, br. 92/07, 46/09, 79/11 i 88/12) gdje je određeno da je obveznik obračunavanja i plaćanja opće vodne naknade fizičko i pravno lice registrovano za obavljanje djelatnosti na osnovu rješenja izdatog od nadležnog organa, dok je osnovica za obračun opće vodne naknade neto plaća zaposlenika u radnom odnosu na neodređeno i određeno vrijeme, odnosno bruto plata umanjena za doprinose iz plaće i poreze na dohodak, te opću vodnu naknadu uplaćuje poslodavac – isplatioc plaće, u visini 0,5% na neto plaće svih zaposlenika, zajedno sa isplatom plaće zaposlenika, a što je i htio, na način da je prethodno od privrednog društva „.....“ d.o.o. Sarajevo iznajmio softversku aplikaciju „..... gastro”, raniji naziv „.....”, koja je instalirana u poslovnoj jedinici ovog privrednog društva, a koja aplikacija je omogućavala da se sve prometovane stavke ne upisuju u operativnu memoriju fiskalnog uređaja, na način da je korištenjem opcije takozvanog „dugog klika” od strane korisnika aplikacije, omogućeno da sve prometovane stavke ne evidentiraju u memoriju fiskalnog uređaja, tako da se u serveru Poreske uprave F BiH ne prikazuje stvarno ostvareni prihod, a sve u cilju izbjegavanja plaćanja davanja propisanih poreskim zakonodavstvom u Federaciji BiH i plaćanja davanja na ime doprinosa socijalnog osiguranja propisanih u Federaciji BiH i sa ciljem davanja lažnih podatke o stečenom oporezivom prihodu koje su od uticaja na utvrđivanje takvih obaveza, čime je stvorio tehničke uvjete da se ukupano ostvareni prihod ne prijavljuje Poreznoj upravi F BiH, pa je s navedenim ciljem dao upute uposlenicima – konobarima navedene poslovne jedinice da prilikom prodaje hrane i pića ne izdaju fiskalne račune za određeni dio ostvarenog prometa od prodaje hrane i pića, odnosno da kroz softversku aplikaciju „..... gastro” ne evidentiraju dio stvarno ostvarenog prometa tako što neće izdavati fiskalne račune, što su isti i činili, tako da Poreskoj upravi F BiH nije prikazivan stvarno ostvareni prihod, već znatno umanjen, pa je tako privredno društvo „GRAPHIC-CAR” d.o.o. Sarajevo u periodu 1.1.2018. godine do 31.12.2018. godine ostvarilo ukupan prihod u iznosu od **292.237,30 KM** od kojeg je putem fiskalnog uređaja evidentirala i Poreznoj upravi FBiH prijavilo iznos od **268.914,80 KM**, dok ostvareni prihod u iznosu od **23.322,50 KM** nije evidentiralo kao prihod niti prijavilo Poreznoj upravi F BiH, koji iznos predstavlja poresku osnovicu koja nije prijavljena i na koji iznos je izbjegnuto plaćanje poreza, a Hadžić Bakir je ostvario gotovinski prihod neevidentiran u poslovnim knjigama pravne osobe „GRAPHIC-CAR” d.o.o. Sarajevo i neprijavljen Poreskoj upravi F BiH, što je rezultiralo umanjnjem osnovice za obračun i plaćanje poreza i doprinosa propisanih poreskim zakonodavstvom u F BiH, te je na taj način Hadžić Bakir, kao odgovorno lice, izbjegao plaćanje davanja propisanih poreskim zakonodavstvom u F BiH u ukupnom iznosu od **18.410,48 KM**, a sve na način da u periodu od 1.1.2018. godine do 31.12.2018. godine, u poslovnim knjigama pravne osobe „GRAPHIC-CAR” d.o.o. Sarajevo nije evidentiran i Poreznoj upravi F BiH prijavljen promet u iznosu od **23.322,50 KM**, te je na taj način Hadžić Bakir izbjegao plaćanje davanja propisanih poreskim zakonodavstvom u F BiH u ukupnom iznosu od **18.410,48 KM**, i to doprinosa za MIO u iznosu od **8.637,96 KM**, doprinosa za zdravstveno osiguranje u iznosu od **6.196,80 KM**, poreza na dohodak u iznosu od **2.591,36 KM**, doprinosa za osiguranje od nezaposlenosti u iznosu od **751,13 KM**, opće vodne naknade u iznosu od **116,61 KM**, naknade za prirodne i druge nepogode u iznosu od **116,61 KM**, za navedeni period, a što predstavlja poreznu obavezu koju Hadžić Bakir nije prijavio i platio Poreskoj upravi F BiH, na koji način je pribavio sebi i pravnom licu

„GRAPHIC-CAR” d.o.o. Sarajevo protupravnu imovinsku korist i ošteti Budžete i vanbudžetske fondove u F BiH u navedenom iznosu.

**Dakle**, za sebe i drugog izbjego da plati davanja propisana poreznim zakonodavstvom F BiH i doprinosa socijalnog osiguranja propisanih u Federaciji, ne dajući zahtijevane podatke ili dajući lažne podatke o svojim stečenim oporezivim prihodima i o drugim činjenicama koje su od uticaja na utvrđivanje takvih obaveza, a iznos obaveze čije se plaćanje izbjegava prelazi iznos od 10.000,00 KM.

**Čime je**, počinio krivično djelo Porezna utaja iz člana 273. stav 1. Krivičnog zakona Federacije Bosne i Hercegovine (KZ F BiH).

**Predlažem** da se od osumnjičenog Hadžić Bakira i pravnog lica „GRAPHIC-CAR“ d.o.o. Sarajevo u smislu člana 114. stav 2. u vezi sa stavom 1. KZ-a F BiH, oduzme imovinska korist pribavljena krivičnim djelom u iznosu od **18.410,48 KM**.

**KANTONALNI TUŽILAC**